



Claudii Fleurii Abbatis Historia Ecclesiastica

Ab anno Christi 1460. usque ad annum 1478

Fleury, Claude

August. Vind. [u.a.], 1768

VD18 90118332

§. 52. Sentica iterum capta, irritusque Ferdinandi conatus adversus
Septam

[urn:nbn:de:hbz:466:1-66459](#)

procedit, indeque Tironem venit, ubi Sæcul. XV.
unacum Sponsa sua ultro exceptus est. A.C. 1475.
Eodem fortunæ cursu Senticam, Penna-
fielam, & Bultanaciam urbes suis sub-
jecit armis, Comite Beneventano, qui
eum aggressurus accurrerat, in captivita-
tem abstracto.

§. LII.

*Sentica iterum capta, irritusque Fer-
dinandi conatus adversus
Septam.*

Cum Alphonsus Senticæ otiosus hære-
ret, urbis Gubernator, quem ibidem
constituebat, per summam perfidiam fa-
ventibus noctis concubiæ tenebris Ferdi-
nandi copiis liberum urbis ingressum con-
cessit. Hæ Lusitanos ingenti cæde pro-
sternuit, ipsumque Lusitaniæ Regem
præcipiti fuga Tironem reverti compel-
lunt; cum vero Joannes ejusdem Fi-
lius paucis post cladem diebus integrum
atque recentem militiam adduceret, u-
terque junctis viribus Senticam redinte-
grata obsidione premere aggrediuntur,
irrito licet conatu. Interea Ferdinandus
hostem alio avertere intentus, copias
quasdam in Africam decernit, quæ Se-
ptam urbem expugnarent. Castellani,
cum vix appulsi jamjam Mauros terra ur-
bem tormentis quatere cernerent, ipsi

Kk 4 etiam

Sæcul. XV. etiam eandem mari oppugnare aggreditur. A.C. 1475. Attamen Mauri haud temere veriti, ne capta Septa novum ipsis adversus Victores bellum ingrueret, per urbem transeundi copiam a Gubernatore postulant, polliciti, se toto impetu Castellanorum exercitum a tergo aggressuros. Hac conditione a Gubernatore minime acceptata, Mauri pedem referunt, ac ipsimet Castellani demum sese recipere coacti sunt, quam plurimis suorum desideratis.

§. LIII.

Galliarum Regis foedus cum Helvetiis.

Sub idem tempus Galliarum Rex cum Helvetiis foedus inibat. Illius articulos ipsimet Helvetii instruxerunt, atque inter eos hi tres præcipui erant. I. Hoc foedus nonnisi decennio persistat, nisi saltem illud prorogare utrique parti bene visum fuerit. II. Sex millium aureorum pensio cuilibet Pago quotannis a Ludovico solvatur, & Helvetii semper pro certo stipendio tot milites, quot Regi opus essent, suppeditent. III. Hujus gentis Viri nunquam contra suos foederatos dimicare, aut urbium vel propugnaculorum obsidiones fuscipere compellantur. Foedere utrinque firmato Rex Hel-